

Բողոք բերող անձ՝ «Էնըլայզդ» ՍՊԸ

ՀՎՀՀ՝ 02812776

Հասցե՝ ՀՀ, ք.Երևան,

Հ Տերյան փ., շ.105

Բանկ՝ Կոնվերսիանկ ՓԲԸ

Հ/Հ՝ 19300706335000

Հեռ: +37455303516

Էլ. Հասցե՝ info@analysed.ai

Պատվիրատու՝ ՀՀ Ազգային Ժողով աշխատակազմ
Հասցե՝ ՀՀ, ք.Երևան, Մարշալ Բաղրամյան 19

Գնման ընթացակարգի ծածկագիրը և առարկան՝
ՀՀ Ազգային ժողովի կարիքների համար
կադրերի հավաքագրման և տաղանդների
կառավարման համակարգի ներդրման և
սպասարկման ծառայությունների ձեռքբերման
նպատակով հայտարարված ՀՀ ԱԺ ԳՀԾԶԲ-20/13
ծածկագրով գնանշման հարցման ընթացակարգ

ԲՈՂՈՔ

1. Բողոքի նախապատմությունը և փաստերը

- 1.1. ՀՀ Ազգային Ժողովի (այսուհետ նաև՝ Պատվիրատու) կարիքների համար կադրերի հավաքագրման և տաղանդների կառավարման համակարգի ներդրման և սպասարկման ծառայությունների ձեռքբերման նպատակով կազմակերպվել է թիվ ՀՀ ԱԺ ԳՀԾԶԲ-20/13 ծածկագրով գնանշման հարցում:
- 1.1. Ընթացակարգը կազմակերպված է եղել «Գնումների մասին» ՀՀ օրենքի 15 հոդվածի 6րդ կետի համաձայն, այն է՝ «Մինչև ֆինանսական միջոցներ նախատեսվելը սույն օրենքով սահմանված կարգով կարող է կնքվել պայմանագիր՝ պայմանով, որ դրա շրջանակներում գնում կարող է կատարվել անհրաժեշտ ֆինանսական միջոցներ նախատեսվելու դեպքում: Սույն մասի համաձայն կնքված պայմանագիրը լուծվում է, եթե այն կնքելու օրվան հաջորդող վեց ամսվա ընթացքում պայմանագրի կատարման համար ֆինանսական միջոցներ չեն նախատեսվել»:
- 1.2. Սույն թվականի ապրիլի 14 -ին ժամը 10:30-ին մասնակիցները ՀՀ կառավարության մայիսի 2017 թվականի N 526-Ն որոշման 40-րդ կետի 5-րդ ենթակետի համաձայն հրավիրվել էին գների նվազեցման շուրջ միաժամանակյա բանակցությունների, որի արդյունքում ապրիլի 15-ի թիվ 2 Արձանագրությամբ և

Պայմանագիր կնքելու մասին հայտարարությամբ «ՍՄԱԸԹԻՄՓԱՅԵՐ» ՍՊԸ-ն ճանաչվել է ընթացակարգի հաղթող մասնակից:

- 1.3. Նույն արձանագրությամբ մրցույթի մասնակիցներ «Էներլայզդ» ՍՊԸ, «Վեբէքս Թեքնոլոջիս» ՍՊԸ, «Մենեջմենթ Միքս» ՍՊԸ և ԱԶ Զանիկ Սևոյանի ներկայացրած հայտերը մերժվել են՝ հիմք ընդունելով «Գնումների մասին» ՀՀ օրենքի 28-րդ հոդվածի 10-րդ մասը:

2. Բողոքի իրավական հիմքերն ու հիմնավորումները

- 2.1. Սույն թվականի ապրիլի 14-ին ժամը 10:30-ին կազմակերպված գների նվազեցման շուրջ միաժամանակյա բանակցությունների ընթացքում «Էներլայզդ» ՍՊԸ-ն առաջարկել է 1 միլիոն դրամ առաջարկվող համակարգի մշակման համար, որը քննարկումների արդյունքում դարձավ նվազագույն գինը, սակայն գնանշման հարցման հանձնաժողովի արձանագրության համաձայն առաջարկը մերժվել է համաձայն «Գնումների մասին» ՀՀ օրենքի 28-րդ հոդվածի 10-րդ կետի, այն է՝ «առաջարկվող գինը, ապրանքների, աշխատանքների և ծառայությունների արժեքից բացի, ներառում է փոխադրման, ապահովագրման, տուրքերի, հարկերի, այլ վճարումների գծով ծախսերը և չի կարող պակաս լինել դրանց ինքնարժեքից: Առաջարկվող գնի հաշվարկը պետք է ներկայացվի հայտով»: Սակայն մեր կողմից ընդունելի չէ այս հիմնավորումը, քանի որ.

- 2.1.1. «Գնումների մասին» ՀՀ օրենքի 28-րդ հոդվածի 10-րդ կետով նշվում է հայտում ներկայացվող գնի մասին՝ սահմանելով «առաջարկվող գինը, ապրանքների, աշխատանքների և ծառայությունների արժեքից բացի, ներառում է փոխադրման, ապահովագրման, տուրքերի, հարկերի, այլ վճարումների գծով ծախսերը և չի կարող պակաս լինել դրանց ինքնարժեքից: Առաջարկվող գնի հաշվարկը պետք է ներկայացվի հայտով»: Իսկ բանակցությունների ընթացքում ինքնարժեքի հնարավոր նվազեցումների մասին նշում չկա:

- 2.1.2. Համակարգի ինքնարժեքը մեր կողմից իջեցվել է բանակցության ընթացքում, իսկ ՀՀ Կառավարության 4 մայիսի 2017 թվականի N 526-Ն որոշման որևէ կետով չի սահմանափակվում բանակցությունների ընթացքում ինքնարժեքի իջեցումը (N 526 որոշում կետ 40՝ Հայտերի բացման և գնահատման նիստ):

- 2.1.3. «Էներլայզդ» ՍՊԸ-ն բանակցություններին ներկայացել էր կադրերի հավաքագրման և տաղանդների կառավարման համակարգի 80 %-ով պատրաստ տարբերակով (տոկոսային համապատասխանությունը ներկայացվում է տեխնիկական առաջադրանքի հետ համեմատության հիման վրա), որով հիմնավորվում է տվյալ պահին ինքնարժեքը նվազեցնելու փաստը: Համակարգը բանակցությունների ընթացքում ներկայացվել է հանձնաժողովին և մրցույթի մյուս մասնակիցներին,

2.1.4. Բանակցությունների ընթացքում հանձնաժողովի քարտուղարը, հարցմանն ի պատասխան տեղեկացրել է, որ մասնակիցները կարող են գները նվազեցնել նաև ինքնարժեքից, ինչի արդյունքում բոլոր մասնակիցները (բացառությամբ հաղթողի) առաջարկվող գները նվազեցրել են ինքնարժեքից, որը հայտերի գնահատման արդյունքում դարձել է հայտերը մերժելու հիմք և մասնակիցներին հաջորդաբար զբաղեցրած տեղեր չեն հատկացվել:

2.2. Հայտերի բացման մասին արձանագրությունը (Tender opening) «Էներլայզդ» ՍՊԸ (info@analysed.am) էլեկտրոնային փոստին չի ուղարկվել: Այնինչ, ՀՀ ազգային ժողովի կարիքների համար՝ կադրերի հավաքագրման եվ տաղանդների կառավարման համակարգի ներդնման եվ սպասարկման ծառայությունների ձեռքբերման նպատակով հայտարարված գնանշման հարցման հրավերի 1-ին մասի 8-րդ կետի 8.1 ենթակետի համաձայն հանձնաժողովի քարտուղարը հայտերի բացման օրը հաստատումից հետո բեռնում է հայտերի բացման մասին արձանագրությունը, որը համակարգի միջոցով ուղարկում է մասնակիցների էլեկտրոնային փոստերին:

2.3. Մասնակիցները գնային առաջարկները ներկայացրել էին ինքնարժեք, շահույթ և ավելացված արժեքի հարկ ընդհանրական բաղադրիչներից բաղկացած հաշվարկի ձևով, իսկ քարտուղարի կողմից բանակցությունների համար ներկայացված թերթիկում վերոնշյալ բաղադրիչները՝ բացառությամբ ԱԱՀ-ի, բացակայում էին, ինչի հետևանքով անհասկանալի է մասնակիցների կողմից իջեցված գները ինքնարժեքից են պակասեցվել, թե շահույթից:

2.4. Գնահատման արդյունքների մասին արձանագրությունը «Էներլայզդ» ՍՊԸ (info@analysed.am) էլեկտրոնային փոստին չի ուղարկվել: Այնինչ, հրավերի 8-րդ կետի 8.23 ենթակետի համաձայն ընտրված մասնակցին որոշելու նիստի ավարտին հաջորդող աշխատանքային օրը հանձնաժողովի քարտուղարը՝ համակարգի միջոցով ընթացակարգի մասնակիցների էլեկտրոնային փոստին ուղարկում է գնահատման արդյունքների մասին հանձնաժողովի նիստի արձանագրությունը:

Հիմք ընդունելով վերոգրյալը,

Խնդրում եմ՝


1. Չեղյալ հայտարարել ՀՀ Ազգային ժողովի կարիքների համար կադրերի հավաքագրման և տաղանդների կառավարման համակարգի ներդնման և սպասարկման ծառայությունների ձեռքբերման նպատակով հայտարարված ՀՀ ԱԺ ԳՀԾԶԲ-20/13 ծածկագրով գնանշման հարցման ընթացակարգի շրջանակներում սույն թվականի ապրիլի 15-ին տեղեկագրում հրապարակված թիվ 2 Արձանագրությունը:
2. Չեղյալ հայտարարել ՀՀ Ազգային ժողովի կարիքների համար կադրերի հավաքագրման և տաղանդների կառավարման համակարգի ներդնման և սպասարկման ծառայությունների ձեռքբերման նպատակով հայտարարված ՀՀ ԱԺ ԳՀԾԶԲ-20/13 ծածկագրով գնանշման հարցման ընթացակարգի շրջանակներում սույն

թվականի ապրիլի 15-ին տեղեկագրում հրապարակված պայմանագիր կնքելու որոշման մասին հայտարարությունը:

Կից ներկայացվող փաստաթղթեր.

1. Բողոքարկման վճարը կատարած լինելը հիմնավորող փաստաթղթի պատճենը,
2. ՀՀ ԱԺ ԳՀԾՁԲ-20/13 ծածկագրով գնանշման հարցման ընթացակարգի շրջանակներում սույն թվականի ապրիլի 15-ին տեղեկագրում հրապարակված թիվ 2 Արձանագրության պատճենը,
3. Պայմանագիր կնքելու մասին որոշումը:

«Էներլայզդ» ՍՊԸ Տնօրեն



Կարեն Դավթյան

20/04/2020